

舜水先生文集

舜水先生文集卷之六

門人

權中納言從三位西山源光圀

輯

男權中納言從三位

綱條

校

○書六

與安東守約書十二首

冬春之交。兩次附書。並拙稿七篇。聞兩舟俱至。定應久塵記室。此時遠近傳聞。藩臺不日推賢進士。爲務。則是興復之志不堅。而立業之基不廣。志切興復。而棄賢才是涉太川。去

舟楫也。何呂濟哉。故遂慨然欲從思明復來貴國。因歲冬歲春時有不測。擬於夏間附舟後。藩前有三四故交。遣舟來迎。亦緣虜與盜充斥。思明故至盤石。開林門亦有洋船。解不得達。一入營中。遂住其舟檣。去駐數月間。雖日與藩臺艦舳相銜。誼不呂。一刺通名字。或有美言勸行。瑜必婉辭謝却。自安愚分而已。六月七八入南京。兵圍瓜州十七。早即破城。滿夷斷脛折股。虜馬截傷驚馳。浮屍積野蔽。

江東午就縛。遠近稱快。驩開若雷。逆虜扼江而守。列炮如星。馬王老撥甲直衝。一鼓登陴。虜騎所稱驍悍驍雄者。殲夷畧盡。大酋管効忠最爲桀黠。喙息鼠竄。惟恐不前。廿三日鎖江關門。納降。市肆不易。然而紀律時有未嚴。上情不能下究。有識蚤已憂之。從陸無救。焚之策。候風有師老之虞。藩臺侶謂虜在目中。徒使英雄頓足耳。七月初八九至南京。其下驕而不戢。渙而不萃。中有二三人。剛愎貪

忌狙於小勝。不用上命。舍其瑕。攻其堅。不離
之。使分友。慢而使合。徒效姚萇之覆。羌。不
念苻堅之潰。令淝。遂爾一敗至此。雖死何足
自贖罪。上游則豫章江黃。迤北則淮揚廬鳳。
蒿目。目待王師。拔於水火。輸糧運米。會同有
驛。送印納款。懼於後期。民心思漢之誠。於茲
大驗。一旦且辜負之。若此。真可大慟。今退守
山浙閩。意在重來。若能自怨自艾。深思前過。
則轉敗爲功。直唾手間耳。幸總督忠靖伯陳。

燦老。老成持重。鎮定周詳。提督馬王老。雄豪
激烈。吐氣吞胡。況復謙雅和衷。剛柔相濟。分
陝猶興。文武同心。豈不足呂復高皇哉。瑜欲
附船。仍還貴國。往見主者馬王老。一見奮發。
責成大義。瑜十五年間。關困苦。原有本情。遂
乞一時權宜之說。暫留旬月。約呂明夏。復過
長崎。不獨羊裘釣魚。無可相助。爲理。即盡荻
城合州。何能仰答。余大將軍也。呂足下情誼
惓懇。故叙前後事情。而並及近日勝敗之形。

不倫不次。統希涵鑒。無限依依。端竊來夏握。

手細言。

今按。此書稱藩臺者。非稱守約。據圖瓜州。降鎮江。至南京而大敗。及總督忠靖伯陳燦老等語。蓋寄國姓爺鄭成功書。而呂足下情誼。呂下乃寄守約語也。

二

小橋送別。近在目前。但冬及春捷於隙。歲序維新。景物明麗。卿士大夫。及庶人。無不_レ爲喜。惟學者則_レ爲懼。通計舊年之功。未_レ見大有所進。而瞬息已增_二一年_一。設使歲歲如_二

茲百年止。是鄉人。何時可及。舜若能繇晦而明。繇剥落而發生。則三陽之泰。亦足。曰爲法已。賢契茂明。進盛。芳春百卉。故舉此。曰爲燕賀。他惟有志者幾之。不足爲庸俗人言也。尊公老先生新禧駢集。此乃班衣之慶。不佞雖藉庇粗安。朝夕之需。復廣遠念。惟是秉燭之光。疑無幾時。儻得與賢契及諸英俊。大明斯道。則亦不虛此生。古人曰。功崇惟志。志則崇矣。而功不副。奈何。左傳者。漢時曰爲大經。

漢史稱公車貼太經十道即此也。用呂啓迪後生最爲近。而有益。前書已曾奉復諒已入覽。羽便聊布數字。不宣。

三

前月初四日謁黑川公。方得久談言辭款曲。送迎致恭。自坐當戶。執謙極矣。謂惜乎不知大理。不得時延談論。暇時將論語一說爲妙。來時須携一通事來。謂節且衆人交禮之日。不佞不當往。不當與長崎人同也。惟暇時時

常一顧此日完翁作通事不能達其詞而意則可知緒方兄又云每見不佞必服袴褶有緊要事時亦必檢冗相見故亦不便屢往賢契此來疑無不相見之理揣鎮公之意似甚欲得賢契聲談而不佞亦欲賢契相見得備言所且不然黑川公雖甚愛不佞終不能知其詳舊冬所託圍屏六幅書上外守元格言二幅文宣王牌一幅並寄希昭收轉致之前漢書歸自京師真令浦之還珠矣甚喜如數

領到當爲批閱。惟不令句讀爲不可解耳。韓柳文未得其人。言之屢矣。有便即寄還石。碑圖既知螭首及鼎鼻矣。碑身僅一方石耳。厚七八寸。長至尺四五而止。兩頭作牡。長納上下牝中。碑陰或磨礪。或粗質。皆有之。長短視碑文之多寡。無定數。無可圖也。四週各勒一道。相去二三寸。小者餘中勒花卉。大約纏枝牡丹。纏枝蓮爲多。韓文公平淮西碑。碑高三丈。字如手。除去螭首及鼎鼻。則碑身亦不下

於一丈七八尺。大明碑之極小者。連首及趺亦必一丈四五尺。其廣大畧三尺至五尺而止。長短濶狹。貴於宜適。近著訓蒙集。誠有益於學者。何謂無益之事。當留意速成之外。韓柳文三封。共十八本。並寄。惟炤收。

四

改歲已來。未得手書。兩日連有人至。知賢契近日動定甚喜。且詢知尊人悅豫康寧。此小子之至樂。又聞隣境士至江戶。皆盛稱賢契。

之名。所謂顯親揚名也。前有江戶僧人至。屢傳說。亦俱如此。惟願益加勉勵。修身讀書。爲貴國開闢第一。人不佞亦藉手。以與榮施矣。君臣相得。人生大願。然處之有道。而得之有命。盡其在我之誠敬而已。不須急急也。前以賢契之素行觀之。必無不得君之理。今果然矣。但君臣相悅之深。益宜事事敬慎。若有心不盡。一味逢迎。所喜不足。以爲後日長久之計。惟小人容悅之故。智爲然耳。非賢契之

所爲學也。非不佞之所望於賢契也。七十行役之說。屢承懇懇至意。賢契之愛我誠深也。但此事不可苟且。不佞之守身至今。如執玉奉盈。猶來姦人讒賊。萬一真足。自污洗之。亦不白矣。可不懼乎。詳味來意。意欲權買一婢子。舊年有婢頗好。年長貌醜。而有才德。新正問之。已遠去矣。甚爲可惜。昨日偶來一婢。止年十二。甚小。不解事。當試而後定。若有一婢能解事。則不爲下人所累矣。因思不能自

作飲食。致目前種種煩言。雖小人用心險惡。亦不佞之過也。孔子贊無書中庸四語之理。全章尚不能盡。孔子多爲模擬之辭。豈四語足已盡之。已爲別作一贊。有暇而無病。即當書寄。且不佞不能作八分書。求人書寫。而不佞自署其名。此有生以來所不爲也。記跋二首希炤入。

五

昨健翁至云。賢契意欲至崎。苦於手中不足。

欲不來則又恐不佞見怪。曰此躊躇不能決耳。其實欲來之意甚切也。健翁聞之獨詳如此。是賢契之於不佞猶有未能盡知之處也。不佞之心光明如皎日霽月自信無纖毫雲翳。而與賢契相信如金石乃猶遲疑勉強復作此慮耶。曰不佞欲見之心誠思且夕旬日別去反增悵惘。曰賢契力有不能遲遲無妨也。萬萬俟其便而為之不可勉強也。無人乎子思之側必不能移。子思不足為慮特慮

子思之側。皆伐木削跡之徒。深足爲子思危也。然孔子之於蘧伯玉。相去欲千里而相信。益堅其於陳亢。日夕相接而論議如此。故不在於遠與近也。不能縷縷統容再悉。

六

前月大風爲災。第一惟敝廬足憂。賢契世居城中。亦罹斯害。誠非意料所及。廿八日晝。謂是門及盛使。屋耳完。翁至。謂賢契所居皆倒。而如琢。謂是欹斜。欹斜尚可。若傾倒。豈貧士

所堪。便中希詳示之。欲遣僕人。常候緣數。日
來復憂海溢水湧。則故居必致坍塌。雖是劉
伶安豐伯仁輩。所謂渡江來日。在醉鄉猶幸
及其醒時。少藉其力。故不能遣。益切懷思。屏
已書上。真字格言六幅。行草六幅。格言。目存
心養性修身齊家敬君治國爲目。皆粗粗淺
近。不取深奧。亦是卿大夫語。不爲信。今按此
語。嘗曰存心養性者。少異於正心誠意。而大
別於明心見性也。養性六戒。恐賢契一時遺

忘今錄上。又大字草書屏十二幅。又令高徒
久敬。絹書宣聖牌一幅。幸查入。分致之。諸容
再悉。

七

來貴國伴居。其便有四。日夕相親。一也。省無
益之雜擾。二也。惜精神。省費。三也。可免人尤。
四也。此不佞所深冀之者。但貴國君新莅任。
賢契雖極慎重。尚須事事斟酌。倡當先煩清
田翁於黑川公前探知。口氣如何。然後懇貴

國君致書爲安萬一賢契力懇又諸當路錯
愛贊助貴國新君慨然發書而黑川公不允
則新政之初必大不樂是於賢契有損也。不
佞在此無益於賢契而有損之不佞何旨爲
情故須慎而又慎日前清田翁在健老人處
慨然言之亦以此自任及今連候三四次寂
無一言故有可疑賢契尚須再寄一書問確
而後行萬勿輕舉鮮煙生壁手親清鹽德公
乃爲林宗作粥耶何旨消之不盡。

一月不得手書。不知何解。懷念之極。此間欲寄書。託江口氏者。將二十日矣。尚未得其便。亦不得其解。或江口氏呂不佞。不肯住庫中。故爲此。呂作難耳。抑許時竟乏往還者耶。大凡處事。須先呂禮。裁度而後發之。於言原思爲宰。而辭粟。裴炎作相。而辭堂饌。賢者至今非之。云不能。則當辭宰。辭相。不當辭粟。辭堂饌。此論誠是也。賢契十六奉君之言。誠過也。

彼時不便之者多矣。而不能發之於口。今曰此言報復賢契耳。故高潔之行可爲也。高潔之言不可爲也。若夫有關於衆。雖高潔之行亦不可爲也。昔者韓宣子爲司馬。將斬人。卻獻子爲元帥。馳救之。而不及。使速。曰。狗曰。吾曰分謗也。此意可深長思矣。前言駟馬不可及。不佞之所諄諄言之者。爲後且耳。賢契近君。凡有妨於衆之言。一字不可出口。且每事當顧大體。不得市私恩。慎之。慎之。若不佞

加_レ二繳還_一此極易事。且理所宜然。若夫賢契
總扣_レ之。是不佞食其六。而賢契食其四也。半
俸之言又戾矣。又必無_レ之理。俟_ニ江戸示到_一速
速寄我。即當設_レ處奉納_一諸再悉。

九

賢契盛情。不佞實深感激。但賢契有厚祿而
爲_レ之。亦自不妨。今在清淡之時。養廉又不豐。
前日屢見諭。不佞深切惶愧。更加憂懼。若能
相與有成。將來爲人傳誦。則後來人人發憤。

向學其父母亦尊師重傳。儻不能有成。後來
反貽他人口實。今不佞亦不敢辭。賢契所言
盛意。辭之則日用無呂。爲生不佞之意。但欲
覓數畝之地。住此灌園。頗足自給。不交王侯
不涉世趣。亦自高尚。賢契來則與尚論古人
考究疑義。酌酒談心。更無餘事。如此則科頭
敝衣。閑閑十畝。萬一有貴公長者枉車來顧。
則飯脫粟。摘園蔬。笑談半日。亦有佳致。所得
足供衣食。則賢契之所惠。自可逐漸而減。儻

有盈餘。竟不必復煩盛心矣。不然。或他處有
好學者。同爲之。則稍輕而易辨。賢契聲氣既
廣。必能知其淺深。但恐貴國如此盛舉。絕少
耳。

十

伊藤誠修誠貴國之翹楚。頗有見解。賢契歆
然不足。大爲推重。虛心好賢。此更賢契美德。
然賢契豈遂出其下。評駁數端。言言中窾。聞
之自應心服。昔有良工。能於棘端刻沐猴耳。

目口鼻宛然。毛髮咸具。此天下古今之巧匠也。若使不佞目炫玄黃。忽然得此。則必抵之爲砂礫矣。即使不佞明見其耳目口鼻宛然。毛髮咸具。不佞亦必抵之爲砂礫何也。工雖巧無益於世用也。彼之所爲道。自非不佞之道也。不佞之道。不用則卷而自藏耳。萬一世能大用之。自能使子孝臣忠。時和年登。政治還醇。風物歸厚。絕不區區爭鬪於口角之間。宋儒辨析毫釐。終不曾做得一事。況又於其

屋下架屋哉。如果聞其欲來。賢契幸急作書
止之。若一成聚訟。便紛然多事矣。此是貴國
絕大關頭。萬勿視泛泛也。其人年幾何矣。世
間淳誠謙厚。更有如賢契者一人否。不獨貴
國。即中國亦在所必無也。若果來。不佞當上
中朝之處。徐銓者處之。必不與之較。長絮短
也。棺製成。希即寄示。有未工處。尚當訂定。

十一

賢契兩次過長崎探我。五月初十日。無故堅

意欲回有恙亦留之不住致有前日之疾。疳
羸困憊。心甚憂之。未知目下何如。腹痛泄瀉。
豈堪久而不止。久則脾泄矣。惟加意調攝。蚤
痊速寄。我知之。前言江戶寄書極便。云每月
兩次飛報。別來五十日矣。豈遂無一報耶。不
佞於七月十一日到東武。因冒暑致疾。十八
日見水戶上公。禮貌甚優。上下俱已申飭。肅
然可觀。次日蚤即令儒生小宅兄到寓致謝。
云昨日有勞。誠恐受熱相公心不自安。特令

某來致意。此禮甚好。又云不佞老人有道。朱
魯瑛乃字也。不敢稱。欲得_ニ一庵齋之號_ヲ稱_ニ之_ヲ。
不佞答言。無有。三次致言。今已將_ニ舜水_ヲ爲_ニ號_ヲ。
舜水者。故邑之水名。古來大名公多有此等。
如瞿昆湖馮巨區王陽明皆本鄉山水也。今
撥_ニ佳中房_ヲ修理_ス完_ル日入_レ屋。十九日上公奉_ニ命_ヲ。
就國。來月初三五啓行。即日已畫圖遣去。復
造房於水戶。房屋完_ル日。不佞復當_ニ至_ニ水戶_ニ居
住。明年夏秋方得_レ回_ニ江戶_ニ。一別之後。遂與_ニ賢

契如此遼濶。人生之事。何可意料。上公大約
有建學校之舉。入境以來。德譽日隆。未聞疵
政。久與之。後。另當一一奉聞。必得款語。方可
及於他事。奈適逢其匆匆。尚須異時也。觀三
省一事。如此溫言相答。必非不好士之君矣。
三省近來頗跳躍。不循禮。小兒難馴。易敗。故
須重慎也。且看後來何如耳。時下令寵已當
彌月之期。既得佳兒。即當速速於貴國主處
附信聞報。仁者有後。不可不知。然亦須一聽。

佳音也。並將貴恙何如詳細寄我。外來往書稿三篇附覽。移房之後。或者少閑。然初到往返。必不能已也。尊公不另書。幸藉賢契詳悉奉聞。

十二

昨暮得前月廿八日書。內云頃讀聖賢之書。反已求之。可愧者不一。此是好消息。後復云一念之差。幾爲百行之謬。及大自懲創等語。甚爲駭愕。賢契曰沉潛純粹之資。學問大端。

俱已。有獲。或者爲宵小所欺。不能昭察。則有之。或者過誤。則有之。何至有一念之差。此必有所指也。丈夫但不媿於天。不媿於衾影而已。不必求調於衆口也。如不佞與潁川齟齬。繁言沸騰。如琢與江口。撫拾莫須有之疑。遂爲萋斐貝錦。如琢大肆蜚言。至今不佞必當落於污泥之中矣。何。曰。水落石出。終不能加我。緣我念頭不差。非彼所能汚。或惑其言者。或者貴州數人而已。前江口到柳川。見賢契。

亦稍有媿悔之心。否。或欺天遂非。猶尚自文其過也。伊藤誠修學識文品。爲貴國之白眉。然所學與不佞有異。不佞之學。木豆瓦登布帛菽粟而已。伊藤之學。則雕文刻縷錦繡纂組也。未必相合。一也。且不佞居於此地。人地則甚輕。而聲價則甚重。京華人士。不敢輕與相接。即有書來。亦當稟明黑川公。其爲煩瑣二也。此間人情多好自高。稍有學識。猶且岸然。如此淹貫。豈更求益。且不佞亦不能有以

益之。三也。其他僮僕乏人。手長袖短。班荆非禮。傾蓋無資。又不在此數。賢契幸婉辭之。多一事。不若少一事也。且又無益。萬萬不須務此。杜詩不必更寄鄭儼老書已致之矣。

舜水先生文集卷之六終

舜水先生文集卷之七

門人

權中納言從三位西山源光國

輯

男權中納言從三位

綱條

校

○書七

答安東守約書二十一首

十月十七暮得翰教。雖傳命者失指。亦應作書奉答。緣來書有不可草草率復者。一者執禮過謙。二者足下立志砥行。慨然曰聖學自勉。三者鴻文惠教。辱命丹鉛。此真手披荊棘。

力闢草萊而欲奮然身任絕學。彼時修改行
期於十九日。而不肖行李事事未辦。大爲倉
皇。次早即送文籍書札於通事所。公同封驗。
無論此夜力有不能。即力能及之。亦如涉者
獵者。一閱而過。漫作游辭讚揚。雖無失於應
酬之數。然甚拂足下遠來下問之義。而深絕
貴國真實上達之機。得罪於足下者。一人而
得罪於日本通國者。萬世。瑜則何敢。況古人
之書。有經年不答者。有三數年而後答者。足

下好古有獲。必不_下。且瑜言爲飾說也。貴國中山降神才賢秀出。恂恂儒雅。藹藹吉士。如此器識而進於學焉。豈孔顏之獨在於中華而堯舜之不_レ生於絕域。然而亘千古而未見者何。不肖雖面牆充耳聞見狹小。即舉其所見所聞者盈尺之璧。不能無瑕。徑寸之珠。不能無類。正且不學之故耳。不學則執非禮。且爲禮。襲不義。且充義。雖上智容有過差。況其下焉者哉。其爲弊亦有_二三端_一。岸然自高。枵然自

是而恥於下人。一也。在日本者。不自安其分。在中國者。嘗欲求其疵。鬪捷於口。頰。二也。愚蔽於他端。而希必不然之獲。老死而不悔。三也。三者橫於中。其何官進於學哉。雖然。中國之人。亦與有罪焉。向者中國有禁。無敢躡出其來者。非負慝姦。販則漁釣。篙工。偶有。人士來遊。而學行不兼。況有全全背戾者。下者。剽風雲之句。呂爲韻。高者。鏤月露之形。自矜奇聖賢踐履之學。中國已在世季。宜乎貴國之

未聞之也。今足下感情奮發。率德勵行。殫精六藝之圃。評隲羣賢之林。且此躬行。且此淑世。本來識見卓越。絕不爲流波所靡。此誠貴國之開闢而首出者。寧區區由余之拔於我。而陳良之產於楚哉。讀來教。踴躍健羨。元定真吾老友。而乃謙曰。自牧。退就弟子之列。然而不敢辭者。亦有故焉。學術之不明。師道之廢壞。亦已久矣。世不聞且仁義禮樂爲宗。况乎其言行而身化之。且子牙之聖。不過於周。

公嘗爲文武之師尚父。賤卒之智。不逮於安平君。亦爲田單之神師。此其中未必無意焉。英材教育。古人樂得。至此之天倫無恙。名德允孚。又曰。王天下不與存焉。亦慕乎重且大矣。不肖性行質直。一無所長。惟此與人爲善之誠。迫于饑渴。十四年惓惓望切。而今一旦意外遇之。其敢阻進修之志哉。歲冬歲春。俱非百金之舉。國主國藩。遠在南北。不肖一見之後。即當告辭。擬於明夏端來貴國。與足下

橫經往復。互爲開發。萬一敝邑徼天之幸。乾坤再造。亦必特奏當宁。備陳貴國之忠誠。明信。敬來修睦。當與足下相見於玉帛之壇。暢論聖賢傳心之秘。必不虛今日懇懇之誠。且夫貴國家詩書戶禮樂士興行。俗醇美。與中國世世通好。若漢趙之交。豈非儒者之一事哉。雖然。不肖迂拙樸樸。必不能毀方。且希合事正。未可知也。細閱諸作。志大而任重。憂深而慮遠。尚論古人。卓有獨見。退自敝策。刻不

容弛。詩序雋雅警拔。時時不失本初。饒有風人之致。然品隲不無太過太刻之弊。文文山鞠躬盡瘁。死而後已。不肖亦亟稱其忠。至於天下萬世之稱其忠者。雖繇其死節安詳。亦卽正氣之歌。伶仃洋諸詩。及告墓之文耳。乃若稱乏爲聖。則過矣。身爲總帥。未建尺寸之功。北歸而誤中虜計。幾爲李督府捕斬。嶺表再俘。過廬陵而復食。致王炎午有生祭之文。劉堯舉有誰向西山飯伯夷之句。何忍冒逢

生麻中之嫌乎。事已無可如何。乃思黃冠歸故鄉。何處是其鄉邦。何途是其歸路。他若道生佛生。呂名其子。甚非大儒所宜。故畧其小疵。取其大節可也。猶未若張世傑者。一主死。復立一主。匪躬不懈。抱鼓不衰。其弟張弘範爲虜。大將戰必勝。攻必取。號令迅風雷。指麾搖山嶽。間諜日至。游說萬端。凡人至此。豈不動情。宋必不可爲。蒙古必不可滅。豈不熟揣富貴與窮蹙相形。猖獗與潰敗相逼。而且轅

門相台而且錫屏簾鼓日久相聞自非金石
爲肝未有不_レ移而且麾下吏士孰不_レ畏死亡
樂貴富誰肯委肉日當餓虎之谿日夜裏創
力戰哉此必有大過人者卒之國亡與亡終
不失_レ臣子之誼終不使人纖毫疑貳精忠貫
日豈不誠大丈夫哉至若陸象山王文成之
學事煩楮短不可得盡當於面時詳悉不肖
到此自餘酬對紛雜舍館未寧答言不次統
希炤鑒。

二

異國遠來。誠望與足下商榷。今古爲古今盛
事。抵岸遂聞貴國主尚在江戶。便已撫腕。及
發來緘。復知足下呂國典攸關。不能出境。遠
引季任處守爲例。此是國家憲章。豈容踰越。
但揆之鄙人。大拂初意矣。雖然。使不佞與足
下相與有成。寧惟問學一端而已。將大明與
貴國。世世和好之藪。而貴國文明開闢之機。
均於此基焉。所係豈不重。且大誠非人力所

能爲也。若本船在此過夏。須九月始發。尚有相會之期。儻四月終。即行。雖奉貴國主明示。亦何可及。且不佞既回沙塔之後。或東或西。必求一所。立定脚跟。以待天下安。安能泛泛作水中之鳧。頻頻漂泊耶。即使必來貴國。如今月十六。舟已入日本境界。羣龍鼓浪。頭鬣鱗爪皆現。舟已將傾。人人喪膽。不佞雖安詳不亂。然亦何能自保。必生及後事。定無恙。舟中人但見不佞先於波浪掀翻之際。作書投

之水中。不倭並。不與舟人一言。所目退之。之
故。今欲奉聞。滾懼涉於怪誕。不欲形之筆札。
面時或可及之。如此則安危未可必也。尚可
望後期哉。去夏附船困守舟中。十月後亦何
能有此便船。容不倭子然一身兀坐守候也。
後會之不可期。亦甚明矣。造化播弄顛倒。往
往如此。足下天挺之豪。惟在能自得師。又何
必獨在不倭哉。足下師生之稱。向時猶不敢
遽受。欲待晤時定之。或師德或師學。必有所

指而後取。承今既不可得見。不敢復辭疑。自
外於足下也。承諭序文容閱稿竟。構上厚儀
領謝。外具不腆。引意惟祈鑒海。

三

來教殷勤。自非虛飾。國典載在。誰敢或踰。其
遇與不遇。皆天也。天或有意。爲明爲日本。後
會亦未可知。不必以此爲憂念。賢契喫緊之
致。未嘗不心誌之也。不佞欲與賢契講究針
砭者。身心性命之大動關。中國日國千年之

好。豈區區人力所能爲。歎歎之際。仍爲慰藉。中國呂制義取士。後來大失。太祖高皇帝設科之意。呂八股爲文章。非文章也。志在利祿。不過藉此干進。彼尚知仁義禮智爲何物。不過鈎深棘遠。圖中試官已耳。非真學問也。不佞父兄俱緣此得科甲。豈敢自鄙其業。但實見其弊如此。然科甲之中。時或有人。先父鄉試房師鄭諱鄂。四川閬縣人。爲蘇州府推官。十一年。署府印者九年。歿於官。先君爲之視。

其舍殮。其匣筭所存止銀貳兩七錢。其清節如此。家兄大座師宰相賀對揚先生諱逢聖者。湖廣武昌人。事親至孝。居鄉平易。流賊焚掠武昌。殺戮最慘。藩王被屠。環賀相公之居里許。不容一人蹂躪。然此千百中得一。無救於敗亡。縉紳貪戾。陵遲國祚。豈非學問心術之所壞哉。故其四書五經之所講說者。非新奇不足駭俗。非割裂不足投時。均非聖賢正義。彼原無意於修身齊家治國平天下也。至

若註脚之解已見別幅。即嘉隆萬曆年間聚徒講學各創書院名爲道學分門別戶各是其師。聖賢精一之旨未聞而玄黃水火之戰日煩高者求勝於德性良知下者徒襲夫哉冠廣袖優孟抵掌。世目爲笑。是目中國問學真種子。幾乎絕息。況乎貴國素未知此種道理。而又在糧莠榮榮之時。獨有嘉禾油然秀出於其畔。然亦甚可危矣。賢契慨然有志於此真千古一人。此孔孟程朱之靈之所鍾。豈

呂華夷近晚爲限。幸惟極力精進。呂卒斯業。萬勿爲時俗異端所撓也。至若呂不佞爲程朱不佞問學荒陋。文字麤疎。豈易當此賢契求師之專。故呂未佞之有若爲佞也。媿極媿極。如文文山先生。不佞學不足。呂方之。而志節未敢少遜。但歷履更難勞悴更甚。而均一無成。惟高明能知之。奈何。自比之畫龍哉。丹心相照。不佞亦具有明眼。獨恨不得面佈。近日船頭方圖此緣之所至。亦未可期。即行亦

當在來月初旬。近日病甚。序文自當構上。毋煩再四。疑問數條。逐一割悉。來儀疊疊。不敢祇承。吾輩意氣相期。享不在物。藉手完上。惟希炤存。

四

佳作二本。并前年三軸。批定奉上。其人去已五日。昨暮使者至。知尚未到。大約途中阻雨。不能遄行。兩日內定已入覽。復授來稿。燈下閱竟。完趙。但嫌過於真率耳。近日及門之徒。

粗知作文。則先生長者。競爲虛譽。況賢弟未嘗晤接。而才識絕倫。逸羣筆則筆削。則削雖有知我。寧無罪之者哉。且賢弟虛衷真切。不忍相負。寧冒誕妄。焉敢欺僞相酬。數日內當事促行。甚急。奈何。不肖無寸絲尺帛。亦與諸商貿。貿往來。真大可笑事。疊承佳惠。又且知愛。不敢却拜。登增媿矣。儻終不得一晤。則此來侶爲徒然。悵惘無極。

讀來翰。知蘊結憤發之概。表章羽翼之誠。敬
羨賢契其將。且身率末俗乎。抑將且口舌爭
之乎。中國大亂。至道晦蝕已久。即貴國亦在
勾萌初動之時。足下但當與二三賢智。噓息
而滋培之。自然發生榮茂。慎勿且斧斤剥。枵
之上也。前者糧莠長畝。嘉種間生之說。已殷殷
危之。豈尚忽視之與。譬如人膏肓之疾。疴羸
不支。近幸少有主意。且當寶嗇精神。調和糜
粥。明知一二堅之爲烈。然不敢攻之也。族其元

氣大復則百邪俱退。養之。呂梁肉治之。呂藥石宜無所不可。賢契何憤憤於一擊之力。急欲呂將絕之息。與一豎爭衡乎。且此不可。呂口舌爭也。爭之而不勝。助彼江河日下之勢。足下任蕃武之譏。爭之而勝。遂成狂瀾橫決之憂。足下罹卓紹之咎。千古呂來。惟玄圭之功爲不磨也。昌黎功侔神禹。當時亦不肯。口舌相爭。萬希高明留意。子厚文雄奇磊落。足目庶幾昌黎要我胸中自有主裁。何必忌其

形跡。聖賢之學。惟患不好。既好之。隨其質性。所近。必將有得。母且未能爲歉。聖學有不備。一語直透。狂夫心髓。的的如是。韓文貳本壁。上并述畧壹部。不佞力疾數日書此。封誌二十許日矣。因無便。竟不得寄將。此外更有一書。臨發遲疑。遂復留取。賢契幸詳覽述畧。若必欲得此書。可遣一急足取去。儻在可否之間。俟駕臨面致之。未晚也。

六

賢契之於不佞。此古人盛德之事。絕非今世
薄俗所有。至於賢契之祿。辭尊辭富。酌古準
今。甚爲得宜。貴國君勸賢太典。何有一毫涉
於不義。中國授室太夫君子。皆有矜式。豈獨
媿此數十鍾哉。但中分其祿。日瞻不佞。不佞
當之內媿於心。故欲圖十畝之園。抱甕灌之。
在長崎輻輳之地。足日自給。若在他所。倍之
而後足。除納官糧之外。衣食自有餘饒。在不
佞有桑者間間之況。於賢契有師友麗澤之

益事爲可久傳之後世。及吾與爾子若孫均足目爲美談。故相斟酌如此耳。非故作辭讓之套。亦非權賢契之所受者。義乎不義乎而後受之也。若夫忠孝之性。賢契得之天植。又能尚友古人。日發明之。真足使人宗師。不佞何敢居然居其功。至衡量君父之誼。其言但爲太過。獨願天下之學者。皆有此心。皆有此言。則既絕聖賢之道。一旦振興於貴國。此今日中原九州之所不及也。來書十讀。不忍釋。

手。真摯之情。溢於言表。來儀已敬登謝。不佞
鹵莽荒廢。留住日本。誠爲賢契錯愛之過。豈
能有絲毫益於貴國。及聞貴國君暨諸公卿
大夫。俱爲大喜。或炫於傳聞之言耶。儻如鍾
會之聞。聞見見。不大喜所望乎。惟願相與有
成。彼此不虛此意。燈下捉筆。老眼瞶昏。諸容
再佈。不盡。

七

如琢昨。日來覽來書。知尊公目下。福履綏成。

爲喜。踰七之父。丁日康寧。即人子丁日之慶。
未易得也。完翁傳鎮公語。索不佞履歷并索
敕書。此是鎮公詳慎處。不佞即將履歷草上
一冊。敕書不便送看。已謄黃奉閱。即日發還。
令日本。人書上。此間更無他人。惟賢契明於
義理。爲能番譯。一併奉上。祈卽爲譯出。致之
完翁。又命作文頌美。不知作文自有時候。自
有體局。造次誕妄。自有識者。又不肯與事實。
徒構虛辭於文。何取。未必不取鎮公之笑也。

鎮公大雅尤爽。豈可レ目レ小儒淫哇之奏。清之
他日書得其詳。爲構レ一合作。使人與文俱垂
不朽。不亦佳乎。陳太丘云。文爲世範。行爲士
則。君子一言。不智喪其終身。韓文公泰山北
斗之望。祇目レ大顛諸書。稍欠レ謹慎。至今爲學
士大夫。口實并其大者。失之。沉萬萬不及文
公者乎。不佞居身。本自淡泊。居心。本自寧靜。
鄉長老每言。總角時。志槩不佞已。不能憶矣。
自弱冠以來。則未之或改。豈今墓木已拱。一

且喪其所守。人品即不甚高。然頗立之於萬
死一生之際。刀鋸臨之而不怵。重祿餌之而
不回。鼎鑊猶有耳。完翁獨不聞之乎。今年交
趾及福建船來。各船主尚縷縷向完翁稱述
完翁親向予言。豈一旦遂忘之乎。既已聞之
猶欲造次苟且。是弗之思也。是故爲之也。謂
之相愛可乎。何乃多爲蛇足。目亂人意。數日
來刺刺不休。使不佞進退維谷。茹吐皆難。統
容面時。詳細斟酌。目定行止。若欲不佞作妾

婦眉目隨人俛仰悲歡則不須於此間生活也。若曰免我於刀俎鼻孔便當隨人牽掣失之更遠矣。所召迫之者不知何心。滾衣之制性理中圖不足憑。容託裁工覓取。然此尚屬可緩之事。誦堯言行堯行爲較急耳。祈致之。

八

接來書。貴國國相及諸大夫賢賢之誠可見。貴國未嘗不敬書。特前此未有真能讀書之人。於何而致其敬。謂貴國重武不愛讀書者。

妄也。若使賢契讀書修德，內日顯父母之榮，上日酬君相之志，豈非大丈夫事哉？六朝非竟不讀書，特當時沿爲綺靡之習，傷其本業。韓文公能悅聖賢之道，遂謂文起八代之衰，功侔神禹，況賢契於蠶叢榛莽之中，翦除木道，異時功成，當更在昌黎之上。惟祈加意勉旃，率先同志，日倡明之，諸再悉。

九

讀來翰，賢契之情遠而益親，久而愈摯，無一

字不流於肺腑。繇此推之。在子必孝。在臣必忠。其禮其誼。近來薄俗。自不能。有。庶幾求之古人。即古人中。亦惟英賢之士能之。其他亦必不能也。惟望自強不息。傳爲後世。美譚則彼此有光。若使他人。目爲口實。則彼此均媿矣。勉之。勉之。南京話。一本錄上。多閩語不佳。希令衆徒別錄。不佞暇時。當增刪之。喪祭禮族。移居。後詳定。呂後來書。恐有遲延。沈閣書尾。須書月日。書面用子美秋興詩。編一字號。

呂備查考不盡。

十

性理大全一本。及文公家禮一本。七月望間。
看定。因如珠三四日前遠行。無人郵致。若託
他人。恐致浮沈。七月廿九日得朝字號書來。
索此部。方知有同心也。其中差字甚多。不能
盡改。後有佳者。別覓一部看定。爲妙。中間批
駁處。但可賢契自知之。或不堪與人言也。不
佞於言行之間。但知內不欺己。外不欺人。行

而不言者有之矣。未有能言而不能行者也。然止於此而已。賢契乃稱之爲聖賢。又曰自然合道。皆非不佞之所能當也。至謂一兩輩聞風奮發。則不佞與賢契中分其功。吾輩或無媿於聖人之徒。與前兩月餘病亟火災看書一二板。則喘逆咯嗽耳鳴腦烘目眩遲久再看則又復然。凡書皆不能著眼。不能思索。非厭見所有之書也。若厭見所有之書。又將何物購求他書乎。或者不佞怔忡恍惚。一時

落筆偶誤不然則傳說者之訛也。鎮公交禮事。玄庵歸兩言而決不佞竟亦不舉新鎮公尚未奉候當俟其便熟計之。玄庵之說理甚悠長不佞深服其明爽也。賢契於不佞事。事。事。慊切。最稱知愛。江戶已稔聞賢契半俸之說。諸大老擊節歎羨。謂吾國乃有如此好人。若聞此等周摯之情其歎羨更何如矣。

十一

自寓中裝治門檻之後。於今兩月矣。如琢如

崎於今一月餘五日矣。日夕茫茫如在夢中。即如年之臥室。欲掃除而糊理之。亦自無一日之暇。即有半日空閒。亦自心中厭煩。不耐舉手矣。常憶初夏時語。賢契云。此後謝絕人事。可作自己工夫。今半年矣。兩月病後。閒務較多。匆匆酬應。猶尚獲戾於人。可見受人牽掣。不獨不許高尚。即使患病。亦復不許。因誦西子之句。年年紆蕭爲他人作嫁衣裳。夜夜辟繡。常向鄰家借燈火。夫借燈紡績。勤至矣。

貧窶亦甚矣。他人嫁衣。總來於己。無與西子
絕世之姿。顛倒如此。不佞於他人之事。攢眉
目應之。於賢契之務。來則束之高閣。謂之情
則非情。謂之理則非理。非情非理。謂不佞胸
中有涇渭乎。昨午接來書。具悉雅意。但不佞
食之有媿爾。東行之事。非不佞之意。前月廿
六日。鎮公所促一稿。在如珠處。自當寄覽。前
答他國佛者云。不肖本爲避難。初非爲倡明
道學而來。目下聖道榛蕪。而貴國又處極重

難同之勢。若曰僕之荒陋。而冀倡明絕學。是猶曰素朽之索。繫萬鈞之石。懸於不測之滾谿。豈有其不隕而墜之理乎。縱雖東行。自可想見。何如與賢契啜茗促膝。抱甕之暇。尚論古人。揮去俗務。自砥身心。不更夷猶滿志乎。先儒將現前道理。每每說向極微極妙處。固是精細工夫。不佞舉極難極重事。一槩都說到明明白白。平平常常來。倡乎膚淺庸陋。先儒之言。惟危惟微。惟精惟一之旨也。不如此

不足_レ目立_レ名。然聖狂分_レ於毫釐。未_レ免使人懼
不_レ佞之言。人皆可_レ目爲堯舜之意也。有爲者
亦若是。或可使初學庶幾焉。而不佞絕無好
名_レ之心。此其所異也。末世已不知聖人之道
而偶有向學之機。又與之辨析精微。目逆折
之。使智者詆爲芻狗。而不肖者望若登天。則
聖人之道必絕於世矣。此豈引掖之意乎。賢
契尚須於此體認。擇其優者而從事焉。

十二

今月接兩書。惓惓。不佞資用乏絕。爲憂。轉託。令親友爲之通移。此賢契用情過厚。日夕留神。故至於此。今不佞未至。匱乏。即或匱乏。尚有一二新客。緩急可移。祇恐其八月當行。又多一番轉折。故且遲遲。若王民則船及鄭。做老旦暮間到。崎則不煩清思。已那借完局。直可至九十月。俟新米出。償之。若明年便與今年不同。無他。太費。不佞當審計所存之數。必不使稍盈溢。爲煩也。又惓惓。不佞寓止。

矮小爲憂。此逆旅居貧之常。何足爲慮。不佞
於重門高堂。居之而無媿色。華門斗室。安焉
而無戚容。此素所蓄積然矣。徜徉於藝圃。肆
志於仁宅。則不佞之華廈名園也。醉飽賢聖
之旨。咀嚼道德之腴。則不佞之駝峰豹胎也。
洒然會心。風生兩腋。又何溽暑足爲害。他日
但當設一法。遠驅蚊子。使不自遠。以喝而來。
今按遠疑擾人聽聞。啄人臙膚。則善矣。今未
當作逞暇也。灌園之舉。須江戶事成之後。請之爲可。

此貴友明見極審。鄙人徒以賢契僕僕爲煩。故欲速成。終於道理爲礙。不得不俟之。賢契勤學競陰。早晚經史。獎率諸生。均有進益。聞之極喜。所聞各條。載之集中。無有不可。俟秋爽當改作序文。寄去也。一言之間。遲之年餘。可見文情不可遏抑如此。諸後盡。

十三

柳川人至。詢知賢契居室已成。甚喜。今復接來翰。得衰衣而喜。此衣聊具其製耳。彼時鎮

公催船甚迫。而縫衣者甚忙。泥麻布非是不
倭不能與之商酌。存其是而矯其非。明朝衰
衣之制。有袂而無祛。無所謂縫合一尺二寸
者。下亦無裳。蓋內有麻衣。如衰襲之有麻衣
之祛。故衰不爲祛。麻衣長與身齊。故不爲裳。
後濶中裁與摺共一尺六寸。更爲布一片長
一尺八寸。綴於領下。名爲負版。今所做者無
此。失其制矣。麻衣近有來者。亦能爲惟濩衣
幅巾。能爲之者。百中之一二耳。必俟前土到。

方可爲之。須少寬半年。梁冠不倭亦能爲。當
備料製奉棺製木工甚忙。前託如琢。覓極軟
板。不倭自作。今柳川有一人至。伺其間。浼彼
爲之。而不倭裁削其間。但馬蹄筍入牝自固。
不煩釘漆。而不可開。兩和中鼓而上下磬。惟
良工能作。而不倭不能也。餘再悉。

十四

聞貴國京江戶有設學校之舉。甚爲喜之。貴
國諸事俱好。只欠此耳。然此事是古今天下

國家第一義。如何可_レ召_レ欠得。今貴國有聖學
興隆之兆。是乃貴國興隆之兆也。自古召來。
未有聖教興隆。而國家不昌明平治者。近者
中國之所亡。亡於聖教之隳廢。聖教隳廢。則
奔競功利之路開。而禮義廉恥之風息。欲不
亡得乎。知中國之所召亡。則知聖教之所召
興矣。至_云賢契省諸費。欲少益於不佞。世寧
有此理乎。賢契雖加意無已。亦不得越於禮
義而行爲他人所非笑。反非所召益不佞。且

不佞近日頗有起色。即使借債多。不過百金。亦爲易了。近作極好極進。甚喜。靜坐澄心。亦不必改。亦不當用佛氏本來面目語。豫章延平。亦不必如此顧忌也。冗甚不多及。

十五

九月廿三。同日到。三書。切切。呂不佞之貧困。爲憂。不佞故遍。呂示入。使知賢契之盛美耳。如此。脫摯。在人子。則爲孝子。在人臣。則爲忠臣。何況區區師弟子之間哉。甚則舉賢契家。

用稱貸之數。屑屑計筭。以慰我心。真是燒美。於古來賢人。然而賢契實過矣。不佞之爲此者。亦料必不至於凍餓而爲乏。若料其或至於凍餓而復須賢契補益通借。則不佞從前之所爲。亦不如此矣。不佞之所爲。豈必皆是。亦有過差之處。即不跨大步。然亦跨一著遠步矣。然不佞之意。惟賢契能明之。今年雖借銀柒捌拾金。亦自易處。現有應允者矣。不佞總查家中現在之物。其可日斥賣者。可得陸

百錢賤售亦可得五百錢。明秋王民則林德庵二兄若至。通移壹貳百金。亦自無難。若不佞明年光景止於如此。俟新鎮公行後。則杜門不交一人。所有僮僕盡行遣去。若有弟子可教者。令渠爲我服勞。亦如呂粟易器之理。無則躬自炊汲。乃道不行之常理。豈足辱賢契。賢契自奉極其儉節。而呂供不佞奢華之用。不佞尚有人心乎。且無人心者而爲之師。亦甚失人矣。此語豈宜聞之於他人。萬萬不

可也。前意欲少暇。詳細作一書。遲之月餘。不可得。又復草草如此。且事多不能盡。可笑可笑。來稿奉璧。希炤收。

十六

賢契之於不佞。竭誠盡慎。人情所難。不獨貴國。即中國亦難比倫。即求之古人之中。亦不數數見。何尚有得罪之事。但士君子不可無此心耳。若自官爲足。嫌隙即於此生。小人乘間。即於此入。固知此念之爲佳也。孔子爲聖

之時解者曰。時當清則清。任和亦然。愚謂未必然。所謂時者。如春夏秋冬生成肅殺咸備。豈有不知軍旅之理。但靈公之時。侯幸專朝。直臣屏去。牝雞蔽於哲婦。艾豸忍於逐子。衛之不亡者幸矣。幸而遇夫子。當曰國之大者。急者咨之。舉之卿相之位。任之鈞衡之重。則富之教之。立可有成。今乃舍其大且急者。而問陳焉。是猶遇干霄蔽日之木。不曰柱國而削曰爲杖。是豈謂之知務哉。故孔子不對。

而曰未之學也。若果孔子不知兵。何旨。曰子之所慎。齊戰疾乎。兵法論并上。廿日移寓。寓後荒涼。復須謹盜。事事須不倭。督率無一人可代者。冗冗多率畧耳。諸事冗甚。不能悉。

十七

來文貳本。并前年所寄參軸。一槩批閱。已竟奉上。來教真切。故不敢泛泛虛譽。然過於直筆。似非近世所宜。幸有呂亮之。大凡作文。須根本六經。佐以子史。而潤澤之。以古文內既。

充溢則下筆自然。湊泊不期文而自文。若有
意爲文。便非文章之至也。譬如貧兒開筵。不
少器具。便少醯醬。如何得稱意。而性靈尤是
作文之主。老弟性質醇美。見解卓越。固是名
手。而得之於貴國未知學問之鄉。眞開創大
英雄。但時有純駁。則善人未入室。理之常也。
非筆舌可盡。須面割始明。諸詩未見大方。然
近日之詩。非理學所急。即夫推敲工緻。不過
炫世靡文。尚祈加意精研。理性目爲一超世。

奇男子。望切望切。不肖在舟既久。到此多病。頭目眩暈。足浮氣虛。加且心緒未寧。當事又復促行序文。未得構上。少暇。當爲之。先附上五本軸。乞炤收。餘俟再言。不盡。

十八

前書倉卒。未罄所懷。次日復得手書。謹再條答。不佞年踰六十。平生不敢傲妄。至於知己兩字。他人目爲尋常贈遺語。不佞絕不肯許。久。兩老師如少宰朱聞老。大宗伯吳霞老。骨

肉之愛。最眞最切。不佞亦未嘗用此。惟少司馬全節完勲王先生。足目當之。今得賢契而再矣。如武林張書紳。庶幾近之。而未可必。故友陳遵之者。有無相共。患難相恤。胤息相子。未嘗有形骸爾我之隔。不佞往時面謂之云。若足下可稱相厚矣。不可言相知也。他若威虜侯黃虎老。知之而未盡。其餘比比。皆知敬愛。或者稱許過當。總未能相知。不佞於二字之嚴。如此。來札云。不佞非能言不能行者。此

賢契極有眼力處。不佞生平無有言而不能行者。無有行而不如其言者。至若文章合道行誼合天。此是子思孟子一流人。伊川先生目下。或多媿焉。不佞豈敢當之。今賢契懇懇求不佞之爲人。不佞敢自評薦。不佞之爲人也。心爲上。德次之。行又次之。文學又次之。而書法爲下。不佞之心。堯舜禹稷契皋陶暨伯益之心也。而無其位。方以齒而先。太夫即世。未聞君子之大道。立身行己。與人之要。俱從暗

中摸索。故德次之。事不足目。及遠功不足目。
長世。故行又次之。三者同條共貫。而爲之區
別者。時與遇之故也。學與文者。僅僅咿唔塗
抹而已。豈能望見古人。書法無師承。無功力。
抑又不足言矣。勉旃。勉旃。共明斯學於賢契。
有厚望焉。不佞一息尚存。亦未肯少懈也。賢
契既好聖賢之學。自然能行。未能知。未
能行。非所患也。況今日所知所行。種種皆是
能事。但貴引而伸之。他日聖賢真種子崛起。

當在貴國。毋多讓也。所答子房贊中。雖若二字。因漢高有三者。皆人傑語。故子房爲百世所推。不佞獨心不滿於張良趙普。而前此有阮籍溪貶之。極得予心。故用。雖若二字。少揚之。隨卽痛下貶辭也。左傳用杜林合註。解極得合。胡傳更妙。杜襄陽一生精力。獨在左傳。或者遠勝孔氏疏耳。屏貳幅書上。諸再聲。

十九

狂瀾莫砥之時。有能屹然自立。便足爲中流。

之。桂。貴國惑於邪教。舉世不能自拔。忽有呂
聖人之道。華其親。而不曰邪教。誣其親者。便
當爲之執鞭。不必問其盡合於禮否也。此亦
庶幾素冠素鞵之意。若必曰。紇兄。徐徐律之。
獨不聞西歸者懷之好音乎。但其中文飾之
辭多。惻怛之真少。是其所偏耳。其有本錯處
則議之。至於治棺治壤作灰隔。絕然不知其
於家禮亦何影響。未嘗真有所得也。前聞久
留米磯部勘平目下行。三年之喪。今日有書。

至者云。士佐大夫野中傳。右衛門葬父。依聖法。甚惡佛氏。居喪三年不弛。往往使國中行葬禮。如此則貴國非盡。臣邪教。陷其親。特人自沒溺。而不能振耳。此後有行之者。亦不爲驚世駭俗。居今反古。不足慮也。來字所駁問者。事事切當。前文又剴爽精當。得之甚喜。足見賢契近學之大進。作棺圖全式及分合之式。俱畫成奉覽。其中有不明者。不妨往復。此大事也。貴國板佳。而價廉。聞京中每五塊不

過拾兩與中國大相懸絕矣。禮雖不豫山事。然親年七十。當且時製。若一促求之。豈能有及。特懼所見不一。不能如人子之懷耳。若賢契得行其志。則治棺治壙。葬祭之禮。家禮之意。斬衰齊衰之製。尚當細講。但慮相去遠。有事不能面罄。甚爲悵快。不一。

二十

賢契之號。知者甚多。必不可更。若使賢契之名。不更。是不佞且不肖之心。相與也。異時兩

人均受其罪。均不得爲全人。所關豈眇小哉。若非貴國初有此空谷之音。繫於天下國家。爲甚重。不佞早已辭却之矣。晉時蘇峻之亂。會稽重地。朝廷召王舒爲之。內史舒召父名會。力辭之。朝議召爲會稽之會。音貴。不當迴避。舒召音異而字同。終於不拜。朝廷不得已。改郡名爲鄒。稽彼纖兒。目不知書。安知大義。彼又不樂聞人有好事。必思所召。撞壞之。是故信口胡柴而已。而善人君子。一時不察。則

必爲所欺。辛丑四月賢契欲改而不倭止之者。一則呂事未有定。二則呂守拙之名未佳。故不聽耳。至引李彥古爲笑。賢契亦常憶之耶。是冬賢契請改而僞父撓之。一誤遂三十年中懷日夕耿耿。是呂有前此之書。書到賢契毅然改易。誠爲快事。深感深感。省菴者前因曾姓而成。今名須得與省字關合。緣未聞貴國之音。多致數字。惟賢契論其佳者用之。字約守仁守義守禮守道均爲曾子之事。若守

整與曾子未合。且不典雅。賢契頗有所考據否。今當詳定。毋容亟改也。賢契之學之行遠近。所推前書一念之差之語。大爲駭然。今來五事。猶未貼切。不佞於賢契之來。一事無違一字無疑。惟此大費推敲耳。談論輕疾。乘喜失儀。習俗漸化。言涉非禮。必不至此。稍稍有乏。亦自無妨。太德。曾子曰。狎甚則相簡也。莊甚則不親。是故君子之狎。足曰交。歡莊足曰成禮而已。可見君子無時不莊。而猶曰近人。

爲念。不佞質性莊嚴。不能自化。每每以此爲病。賢契豈可復蹈之。且足容必重。手容必恭。禮特言其大要爾。自朱子言之。儼然泥塑木雕。豈復可行於世。賢契人品已成。學識已裕。循循激造。雅俗相安。小有過差之處。但當隨事省改。一心不懈。自至純全之境。何得有百事俱非之理。若果有此。又不當於爾我之間諱言之也。習射非惡事。多至十數人。亦不得望望焉去之。獨不聞不如公榮者。不得不與。

飲酒乎。但須默有主張。自然不爲所移。飲煙不能絕。只是欠剛毅。非爲大害。心役於毀譽。誠哉鄉愿之學。必不可也。若使毀譽目爲美惡。是他人爲我作主。我不得爲一身之主矣。世有他人代我爲聖。爲賢者乎。不必遠引。近日交趾人來。問彼大爲傳誦。不佞在交時。豈無有毀之者。今日久而萬口同辭。自然可強也。自有其真也。不佞今者在此。猶之石交也。雖有一二讒人。必不能亂我之真。即今讒人

心術隱隱之中。已發有神明降之。鑒而奪之。
魄此即天地間至公無私之道也。特彼羞慚。
不肯直陳其造謀之罪。若彼能自首實。將來
未必不可改行從善也。毀譽之來。但當自反。
於己自反無缺。便屹然不動。孔子尚有無戾
無郵之歌。子產有孰殺我與之謠。毀言何可
徇也。諸容另聞。

二十一

代管之事。悉如來議。別無所嫌。惟一年求仕

進不得則歸鄉。此事大須斟酌。大明人求微名。尚有五年不得。十年不得者。今貴國仕進。則得祿。得祿則終身享之。尚可延於後世。而欲取必於一年。何仕進如此之易也。繇此推之。則躁進之心。無所不至矣。則亦少不更事矣。果能一年而壯進。則取青紫如俯拾地芥。即有如此之才。亦不敢出如此之言。此欲自藉其才力門地乎。抑藉不佞爲之階也。故曰少不更事也。若曰恐其後來萬一有不妥之

事而持兩端之見則大不然。人有少年老成者。亦有老姦巨猾者。何可曰年論也。但當視其前日之所爲何如耳。前日之處心積慮何如耳。若恐後來萬一有事。則舉天下之少年無一人可保。此非賢者之言也。既已商之於十時繇布二公。而又奪之於悠悠道路之口。若遇大事孰肯出一言曰保舉人材也。內稱臣外稱客。無有不可。貴國風俗客之降等者。與代管毫無所異。不佞何客而不與之名。且

必不能向遠來外來之人自號於人曰我客也我客也且不佞之病好且廉恥待人故往往爲小人下流之所侮弄彼若果能自好雖代管亦自優禮不必於此屑屑也

與下川三省書

三月二十邊汝親戚至道榮所盛述貴國主待汝之恩令汝卒學云二三日內即到本欲與彼同行因渠別處公幹不便使汝枉道隨行故不及相携耳聞此甚喜此是汝莫大之

幸。後劉宣義復持汝手書來。并所寄玄負書。自此逐日懸懸望汝。何至今又二十許日。不見消息。此是何意。故或汝身體寡薄。有疾病耶。不然汝本宜早來。又有貴國主嚴限。汝何敢違玩。若因欲備衣裝遲遲其來。則汝無志之人。貪其小物。喪其大業。甚非我所自愛汝之心也。人之一生十五六歲之時。有幾年。一年之中。有幾箇兩春光。貴國主如天之恩。有幾次遭際。汝不思於此千載難遇之時。發憤。

且報主恩乃志得意滿。驕矜鄉里。悠悠池池。汝尚復有人心耶。江戶水戶上公。及諸閣老之書皆到。通事日逐在此催促。若使一旦啓行。汝前後不及。汝自置汝身於何地也。思之思之。即使汝有疾病。及今五十日。竟不遣一人通一信耶。汝尚可謂有知覺否。書到須臾。夜促裝前來。毋容再遲時刻也。汝丁母憂。本宜遣弔。因汝不報訃。故不便弔耳。前言汝想聞之矣。汝若不欲來我門下。亦不強汝。可即

遣前价來。將汝書箱取去。無爲使我久懸念也。汝尚有志於學。即使衣服不備。赤體而來。猶勝於滿身華麗也。曾子緼袍無表。原思懸鶉百結。蓋勝於子貢公西赤也。有志者自如。此耳。

舜水先生文集卷之七終